




نسخ وادست

۱۳۳۶



بکون بیلنیر قسقه، مجموعہ ملایما
پہ چوق آرائیر اور تہ، ۶۸۰ و تہیز

ایتدک شرف خدمت اجدادی فراموش
آثارینہ اسلافزک رغیب اولمیز

بوندن يکرمی سنه اول تحریر و طبع ایتدیزدیکم — ازهار حقیقت —
آدلی رساله مک یوز اؤن نومروسنده شو جمله نی یازمشدم :
« حیات و ممات کرچه قبضه قدرت الهیه ده در لکن چوق یشامق
ایچون بر چوق مزیت ایستر »

فرانسه جمهوریت فخریه سی باش وکیلی موسیو قله مانسو جنابلرینک
عمری سکسانی متجاوز اولدینی حالده دولت و مملکتنه ایتکده اولدینی
خدمت میدانده در. بونکله برابر جهانک مقدراتی تعیینه مأمور اولان دنیاده
امثالی نا مسبوق بک مهم و بک عالی بر قونفرمک ده رئیس عالیسی
اولدینی حالده نه ائتلاف دول معظمه و مدنیه سنک مرخصلری کبی فضلالی
ذوی الاحترام ونه ده کره ارضده بولتان بو قدر ذوی العقول انام ،
بو ذات سن شیخوخته در دیه اعتراض ایتیوب بالعکس هر بر
تعظیم و حرمتی ایفا و خدماتی تقدیر ایتکده لرایکن بک غریب شیدر که
بزده نه قدر عالم و فاضل و کامل و مقتدر اولورسه اولسون سفی اللی
آلتمشه واردیمی بو آدم بوناق اولدی بینی صولاندی عته کتیردی دیه مأموریتنه
کوز دیکمک و مأموریتی اولدینی حالده بیله انظار عامه ده حس
خرمت قزاندیغنی کوررلرده کندیلرینک موهوم اولان کمالانه کویا
بر لکه کتیرمه مک ایچون بشقه بر قصورینی بوله منزلتیه شیخوختدن
بحث ایدرک انظار عامه دن دوشورمکه غیرت ایتک بعض املپرستان وطن
ایچون بر موده شکلنی آلدی . فسیحان الله العظیم .

بو غزلی تمام قرق سنه اولکی وقت و حالک ایجابنه کوره متأثرانه
بر حیرتله انشاد ایتمشدم :

فرصت الدن کیدیور آم بو غفلت یتیشور
عالمک ایلیه لم حاله دقت یتیشور

بشریت صفت عالیہ سی بویله میدر
بودنائت بو جهالت بو رزالت یتشور
بز ایدک صاحب سیف و قلمی دنیالک
غایان ایلسون اولکی حمیت یتشور
عالی قاپلادی انوار ترقی باقکز
بزده لایقمی هنوز بویله جهالت ، یتشور
نه قزانلق بو قدر ملعنت و غفلت ایله
چکیلان بونجه فلاکت بزہ عبرت یتشور
لعنت ایلر بزہ اجداد مزک ارواحی
وطن و دولته ارتق بو اهانت یتشور
دوشونوب حالمزی باری حجاب ایلیه لم
یجه بر دولت و دینه بو خیانت یتشور
یجه بر فرصتی غاصبلره غصب ایتدیرده لم
غرض و شهوت و اسراف و سفاهت یتشور
کلیکن کوز آچه لم سعی ایدہ لم ای ملت
ایدہ لم چاره مستقبله همت یتشور
نه شو بهوده غرض بربریمزله بیله لم
باقه لم خارجه داخلده رقابت یتشور
بز اول امت بیضا که اکر سعی ایتسک
بزہ اللهدن امداد و عنایت یتشور
دستگیر ایله ید قدرت فیضک یارب
بویله مادون ائم قالدی بو ملت یتشور
باشلرز متفقاً غیرته انشاء الله
ای « امیری » ایدرز ترک عطلالت ، یتشور